



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 61. Sacra Profectio Germanorum.

---

[urn:nbn:de:hbz:466:1-66394](#)

Sæcul. XII. centesimum secundum, captivitatis sua  
A. C. 1197. sextum, e carcere liberatus est.

## §. LXI.

*Sacra Profectio Germanorum.*

*Otto a  
S. Blas.  
c. 42. Rog.  
p. 772.  
Arnold.  
Lubec. c. 2.* Germanorum ad sacram profectionem accinctorum innumerabilis multitudo in tria agmina dividi debuit. Primum, cui Conradus Archiepiscopus Mo- guntinus imperabat, itinere terrestri Constantinopolim, atque inde Tyrum pervenit. Secundum, itinere maritimo Franciæ & Hispaniæ litora prætervectum, in via Silvas, urbem Lusitaniæ, ex Mauro- rum potestate eripuit, eaque destructa, trajecto freto Gaditano, Acriam Palæstina portum appulit. Tertius exercitus val- diffissimus Henricum Imperatorem in Ita- liam secutus, reliquas Apuliae & Sicilia urbes, quæ hucusque imperata facere detrectaverant, subjecit, indeq[ue] in Orientem, Conrado Episcopo Herbipo- lensi, Imperatoris Cancellario, duce, missus est. Hæc classis portum Acrien- sem, vigesima secunda Septembbris an- no millesimo centesimo nonagesimo sexto intravit. Sed Cancellarius in Insula Cypro moratus est, Regem coronaturus Guidonem Lusignanum, qui ut ostenta- ret, se Imperatoris Constantinopolitani jugum excussisse, summis precibus ob- tinuerat, coronam sibi ab Imperatore Ger-

Germaniæ mitti. Itaque Cancellarium Sæcul. XII.  
honorifice exceptum, diuque detentum, A.C. 1197.  
tandem Acriam navigaturum dimisit.

Inter hæc Leo seu Livo Rex Armeniæ, ut Crucigerorum auxilia sibi conciliaret, Legatis ad eorum duces & Principes missis, cum donis & epistolis, professus est, cupere se Imperatori subditum fieri, si ipsi Regiæ coronæ decus, cuius desiderio jam diu teneretur, concederet. Plerique censebant, hanc Legationem Cancellario esse committantam, quia vero tunc Baruti commorabatur, hæc provincia Archiepiscopo Moguntino obtigit, qui nomine & auctoritate Henrici Imperatoris Regi Armeniae coronam imposuit. Sed & his majora effecit Religiosus Præfus; nam & Innoc. 3. Principem & omnes ejus subditos. 2. ep. 252. populos ad unitatem Ecclesiæ Romanæ reducere conatus est, ac Rupinum Leonis Regis pronepotem, Alesiæ neptis ejus & Raimundi Principis Antiocheni filium, sacro fonte abluit. Præterea sua industria Regem & Principem ad mutuam gratiam ineundam permovit, sive itaque tunc jurgia, quæ Ecclesiam Orientis vehementer turbabant.

Crucigeris Germanis, in Palæstinam pervenientibus, nihil prius nunciatum, quam quod Valeranus, Comes Limburgensis, fidem inter Regem Richardum

Sæcul. XII. & Saracenos de servandis induciis da.  
A.C. 1197. tam violasset, nam ipse prius, quam tota  
 classis advenisset, appulerat. Quare  
 Safadinus, Saladini frater, cuius ma-  
 xima apud Saracenos, mortuo Soldano,  
 erat auctoritas, Jafam obsederat, &  
 ad ditionem compulsam solo æqua-

*Rog. p. 773.* verat. Christiani vero Infideles ad ur-  
 bem Sidonem aggressi, prælio victores,  
 amissa oppida receperunt. Sed diu de-  
 inde in obsidione oppidi *Toron* haren-  
 tes, optimum tempus & operam per-  
 diderunt, tandemque re infecta recesser-  
 runt, a quibusdam Templariis & Epi-  
 scopo Herbipolensi proditi. Hos enim  
 Otto c. 42. ab Infidelibus magnam vim pecunia,  
 perfidiæ pretium, accipere non puduit;  
 & en! cum missum sibi aurum avidius  
 aspiciunt, neutquam verum sed spurium,  
 seque ipsos Saracenorum ludibrium esse  
 deprehendunt.

Germanis Crucigeris Acriæ commo-  
 rantibus ingens vitæ licentia, qua Tem-  
 plarii, aliique illius provinciæ Principes  
 Christianum nomen profanabant, gravi  
 scandalo fuit, aliunde non ignorantibus,  
 sibi ab his Christianis, cum Saracenis con-  
 filia communicantibus, illudi. Nam  
 Franci isti, qui in Oriente sedem fixe-  
 rant, ora maritima & fertilissimis agris,  
 quibus fruebantur, contenti, nullo de-  
 siderio

siderio Hierosolymam vel sacrum Se- Sæcul. XII.  
 pulchrum recuperandi tenebantur. Ita- A.C. 1197.  
 que Germani ab iis divisi, & sub na-  
 tionis suæ ducibus militantes, pluribus  
 prœliis Infidelium vires atterebant, cum  
 certa accipiunt ab amicis indicia, quod  
 Orientis Christiani cum Saracenis col-  
 ludentes in ipsorum perniciem conjuras-  
 sent, atque Henricus, Comes Campa-  
 niæ, Regis Hierosolymæ titulo ornatus,  
 conspirationis socium se præbuisset.  
 Unde crediderunt Germani, funestam  
 juvenis Principis mortem haud obscu-  
 rum fuisse divinæ vindictæ argumentum.  
 Cum enim Acriæ versaretur, quadam  
 die fenestra innixus, ruente fulcro, de-  
 lapsus cervices fregit. Isabella Henrici  
 vidua Aimericum Lusignanum, Cypri  
 Regem, quartis nuptiis virum accipiens,  
 inanem Regis Hierosolymæ titulum in  
 dotem attulit. Germani vero, sibi ca-  
 ventes, Jafam se receperunt, cujus  
 mœnia cum restaurant, & Saracenos  
 ingruentes viriliter depellunt, affertur  
 ex Germania nuncium, Henricum Impe-  
 ratorem obiisse, pluresque Imperium  
 ambientes rixari. Ergo domum re-  
 meant; sicque tantæ molis expeditio  
 successu caruit.